



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.



QUÆSTIO MEDICA.

QUOD LIBETARIIS DISPUTATIONIBUS

manè discutienda in Scholis Medicorum, die Martis vigesimâ-septimâ
mensis Februarii, anno Domini M. DCC. LXXXI.

M. PETRO LASERVOLLE, Doctore Medico, Præside.

An præcipuum respirationis organum Diaphragma?

I.

SPIRARE vivere est. Quot ex aëre veniunt spiranti comoda! Aëris beneficio odorifera corporum effluvia sursùm evchuntur, nervorumque olfactorum expansiones titillando, gratissimas procreant sensationes: mediante aëre vibrantur soni, variis modulationibus vox edita, cogitationum interpres, societis dulcedo, scientiæ nuncia, commercii vinculum, cariorem reddit vitam. Sed majora manent; aër enim variis commixtus cibus, ventriculum tubit, digestionem favet, chyloque viam sternit. Aër per tracheam arteriam ingressus, (ampiato thorace, pulmonalibus vesiculis explicatis,) virtute quâ pollet elasticâ,

* M. J. B. L. CHOMEL Auctore, anno 1732.

C-7

2

fibrarum excitat oscillationes, vasa sanguinea premit, sanguinem fortiter protrudit, serique abundantior copia sub halituosæ transpirationis specie, avolat in auras. Pulmonalis hæc perspiratio, circulationis vindex, sanguinem defœcat, eumque rubicundiorcm reddit, dum globulosa pars uberiori non proluetur fero. Maxima tandem sunt respirationis commoda, cum Natura sedula parens, pulmonibus unum cordis ventriculum, alterum verò cæteris omnibus corporis partibus addixerit; adeò patet respirationis necessitas! Verùm quæris quodnam organum respirationi præcipuo conferat? illud sanè quod inspirationi respirationique potissimum auxiliatur.

I I.

VETERES nubem pro Junone captantes, aërem esse respirationis causam existimabant. Neoterici quidam ingeniosiores, nimiumque suis confidentes rationibus, intercostales musculos agnoverunt tanquam respirationis organa; at illorum brevis imbecillitas arguit; insuper læsis, aut vulneratis, aut torpentibus perficitur respiratio; idem de musculis ad thoracem pertinentibus dicendum est; his omnibus tùm intercostalibus costas sublevantibus, tùm costas deprimentibus juvatur respiratio, non efformatur. Quidam omnem vim à pulmonibus oriri existimant, sed pulmones passiva sunt tantum organa, in respiratione non agunt; suscepto aëre ampliantur, thoracem non ampliant. Visne motus illius benefici & vitalis præcipuam originem agnoscere? repetenda est ab organo forti, elastico, eâ structurâ donato, quod fibris muscularibus elongatis ideòque validioribus constet, arteriis pluribus irroretur, nervorum abundanti propagine corroboretur, firmissimis annectatur partibus; ita denique à Naturâ instructo, ut inspirationem & expirationem, alternâ contractione & relaxatione, æqualiter promoveat. En adest diaphragma quod contractione suâ thoracem ampliabit, relaxatione imminuet,

I I I.

DIAPHRAGMA Abdomen à thorace obliquè discriminans, ex Bartholino, musculus est trigaster, ex D. Winslowio digaster tantum, musculoque superiori & inferiori constatur. Superior diaphragmatis musculus xiphoidæ appendici, extremitatibus ossibus & cartilagineis ultimarum costarum & spurariarum inferiori, indeque ultimam dorsî primamque lumborum vertebrae descendendo attingens, earum corpori lateraliter, suis radiantibus fibris annectitur. Inferior diaphragmatis musculus, fibris in fasciculum collectis constatus, ultimam dorsî primamque lumborum vertebrae, versus mediam vertebrae partem applectitur, eisque veluti inseritur firmissimum ope tendinum, quorum dexter sinistro longior est. Non hæc sola sunt diaphragmatis retinacula; aponevroticâ & mediâ sui parte pericardio & mediastino alligatur. Motibus exercendis necessariis robur diaphragmati suppeditant nervi phrenici à colli vertebralibus exeuntes, & quidam ex intercostalibus & pari vago ramuli. Aorta inferior, cœliaca, mammaria, ipsæque intercostales & lumbares, arteriosum effundunt sanguinem, calorem nutritionemque suppeditaturæ. Residuus reorbetur sanguis, venamque cavam, azygos, subclaviamque attingit. Quâ parte thoracem claudit, pleurâ; quâ parte abdomen, peritonio obducitur diaphragma. Plurimis insuper patet vijs, una versus dexterum latus, venam cavam ascendentem transire sinit, atque

3
 ità à Naturâ sabrefacta est hæcce apertura, ut illius margines spirâlibus constructæ
 fibris, numquam ascendents sanguinis motum retardent; paululûm ad latus
 sinistrum, musculus inferior vel ille fibrarum fasciculus, quem musculum inferio-
 rem vocant, subter centro nerveo (cujus figura trifolii* speciem æmulatur,) *Ad. W. in flow.
 fibras disjunctas esse finit ut æsophago transeunti relinquatur via, inde fibræ veluti
 conjunctionem præoptantes, uniuntur, ut mox bifurcationem efforment aortæ,
 venæ azygos, ductuique thorachico transitum concedentem liberrimum.

I V.

RESPIRATIONI potissimum conferre diaphragma ne dubites. Inferioris musculi agentibus fibris, deorsum trahitur diaphragma, relaxatis
 verò fursum regreditur; superiores diaphragmatis fibræ veluti radiantes & à
 centro demissæ, costarum margines attingunt, & contractione suâ trahunt costas
 mobili puncto ità affixas, ut semicirculos majores in contractione diaphragmatis,
 minores verò in illius relaxatione efforment. Ea est diaphragmatis virtus, ut dum
 costæ superiûs, pro ampliandâ superiori thoracis parte, ascendunt, inferiores
 extrorsum moveantur, thoraxque quoad latitudinem & profunditatem ampliatur.
 Nulla datur in homine sano inspiratio, ni vesiculæ pulmonales aëre opportuna
 turgeant, ut sanguis à majoribus ramis, in minores minimasque ramificationes
 effluat, ut denique omnia quæque vasa aëris gravis & elastici præsentia compressa,
 ferum expirabile propellant, quod quidem solo contracti diaphragmatis beneficio
 evenit. Diaphragma ab otiosâ curvitate æqualiter ex unoquoque latere recedens,
 pulmonum expansioni favet, inspirationemque efformat. Juvat aëris elasticitas,
 juvant pulmonales vesiculæ, juvant intercostales musculi, libera datur & facilis
 inspiratio. At expirationi non minus conducit diaphragma: pristinum etenim sta-
 tum recuperare amans, fibrarum relaxatione respectu abdominis concavum evadit;
 pulmones tumidi sensum sine sensu decrescunt respectu abdominis concavum evadit;
 deprimuntur, thorax immittitur. Sic diaphragma expirationem conficit, & etiam
 feriendo utilissimam procreat actionem; aliundè in expiratione duntaxat, tussis,
 singultus, vox emittitur, & hæc diaphragmati debentur.

V.

INSPIRATIONI quamplurimum conferre diaphragma concedis, at expi-
 rationi conducere negas, nulla inquires, nulla musculo in relaxatione datur
 virtus; attamen cur in dilatatione cordis, cur in illius musculosæ substantiæ relaxa-
 tione, sanguini liberior datur aditus? nonne motus peristaltici intestinorum remis-
 sio faciem excrementorum descensum finit? Nonne in spasmodicâ diaphragmatis
 tensione vix lucet respiratio? Quid moror ergò? quid beneficos respirationis usus
 diaphragmati non tribuo? Omnia quæ respiratione indigent animalia diaphragmate
 donantur, vel saltem muscularibus fibris diaphragmatis vices referentibus. Inflam-
 mato, vulnerato diaphragmate, turbatur respiratio, languet, gangrenâ affecto
 perit. Solo diaphragmatis beneficio, spirant ægri quibus omnia jam in agone ja-
 cent, diaphragmate excepto. Verum quisquis inspirantem hominem avido lumine
 propriis intueatur; in inspiratione tumentem epigastricam regionem, inferiorem
 thoracis partem veluti ascendentem conspiciat, & agnoscat maximam ex con-
 tracto diaphragmate thoracis adesse ampliationem. In expiratione verò, intror-
 sum veluti regresso diaphragmate, abdomen antea tumidum videre est deprimi &

*Al. *Th. flow*,
exp. anat.
p. 1137.

* Idem,
p. 1163.

4
cum diaphragmate expirationi conducere. Hanc veritatem sensit Anatomicorum Princeps.* » Possumus respirare, expirare, & inspirare indefinenter ope diaphragmatis, siue moveantur costæ, siue stent immobiles, siue earum ascensu diu ampliatum maneat thorax, siue tandem costis ipsis quiescentibus, thotax constringatur, diaphragma suam semper exerit virtutem, . . . & paulò superius, » * diaphragmatis præcipui & singulares usus sunt thoracis dilatatio & constrictio . . . » undè cum tanto Authore concludere licet :

Ergò præcipuum respirationis organum Diaphragma.

DOMINI DOCTORES DISPUTATURI.

M. Joannes-Renatus SIGAULT,
Anatomes, & Artus Obstetriciæ in gratiam Matronarum Professor, è Regiâ Scientiarum Academiâ Divionensi, Regis Pensionarius.

M. Maria-Zorobabel MUNIER,
Consiliarius, Medicus Regis ordinarius, Domus Regiæ Invalidorum Ducum & Militum, & antiquus Regis in Coloniis Orientalibus Medicus.

M. Anna-Carolus LORRY,

M. Henricus-Alexander TES-
SIER, Clericus.

M. Deodatus JEANROY.

M. Stephanus-Ludovicus GEOR-
FROI, Eques, Regi à Con-
siliis & Secretis, Societatis
Botanicæ Florentinæ, nec-
non Patrioticæ Siskolmienfis
Socius.

M. Augustinus THOURET.

M. Claudius - Franciscus DU
CHANOY, à Regiâ Scientia-
rum Academiâ Divionensi,

M. Dionisius PAUTIER DE
LABREUILLE, S. Comitissæ
Gallo - Provinciæ Medicus
Primarius.

Proponebat Parisiis RENATUS LOUICHE-DESFONTAINES, Rhedonensis;
Doctor Medicus Remensis, nec-non Saluberrimæ Facultatis Parisiensis
Baccalaureus. A. R. S. H. 1781. AB OCTAVA AD MERIDIEM.